

望嶽

《元和郡縣志》：泰山一曰岱宗，在兗州乾封縣西北三十里。

劉須溪云：只五字，雄蓋一世。

又云：盪胸句不必可解，登高意豁，自見其趣。

岱宗夫如何。齊魯青未了。《史記·貨殖傳》：泰山之陽則魯，其陰則齊。李因篤云：青，嶽色也。造化鍾神秀。孫綽《天台賦序》：天台山者，蓋山嶽之神秀。陰陽割割字奇險。昏曉。言陰陽之氣爲昏曉之所分也。徐增曰：山後爲陰，光不到故易昏；山前爲陽，日光先臨故易曉。朱注：《封禪記》：泰山東南隅有日觀，雞鳴時見日出長三丈，卽割昏曉之義。盪胸生曾通作層。雲。張衡《南都賦》：涓水盪其胸。決眚音恣。入歸鳥。仇注：曹植《冬獵篇》：張目決眚。眚，目眶也。薛夢符曰：言登覽之遠，攄決其目力入歸鳥之羣也。會當凌絕頂。一覽眾山小。